

1. UVOD

"Prije ili kasnije cijela Evropa ce se morati ujediniti i sve glavne granše evropske porodice će jednog dana postati partneri. Moramo postići najveći nivo integracije Evrope koji je moguć, a da pri tome ne uništimo njene individualne karakteristike i tradiciju njenih mnogih drevnih naroda"

Vinston Čerčil, Ciri, 1943. godine

Bosna i Hercegovina zemlja koja počinje da se razvija i pokušava praviti put ka boljem sutra uz pomoć Evropske zajednice. Ona na tom svom putu napreduje ka evropskim integracijama te tako raste interes za Evropsku Uniju.

Evropa je kroz istoriju bila simbol traženja smisla postojanja i usavršavanja sistema života i odnosa sa drugima. Evropa je bila nešto dragocjeno, dio onih koji je traže vrijedno i važno za njih. U tom traganju za Evropom, do tada samo prazni prostori dobivaju novi životni sadržaj, postaju prostorom smisla ljudskog življenja, napredka, sistema života i odnosa promjena koje se događaju ljudima, historije ljudskog postojanja.

Evropska Unija je regionalna organizacija evropskih država kroz koju članice ostvaruju zajedničke ciljeve kao što su uravnotežen privredni i društveni razvoj, visoka razina zaposlenosti, te zaštita prava i interesa građana. Današnja evropska unija rezultat je pedesetogodišnje evolucije koja je započela izgradnjom EZ za ugalj i čelik. Potpisivanjem Rimskog ugovora u martu 1957 godine, uspostavljena je EEZ; Euroatom, čim su udareni temelji današnje moderne unije.

Svi oblici integracija država na tlu Evrope bili su u cilju stvaranja boljih uslova za život. Tako je evropska unija, preko nekoliko integracija, postala cilj kojem teže sve države u Evropi pa i BiH.

Kroz ovaj rad pokušaću prikazati, objasniti "Integracioni proces u BiH na putu u EU", odnosno put ka kvalitetnijem životu, boljem standardu i bez ograničenja kretanja, put kojim smatramo da je omogućio ukratko rečeno BOLJI ŽIVOT.